



1613\_281.jpg






1613\_282.jpg






1613\_283.jpg






1613\_284.jpg






1613\_285.jpg






1613\_286.jpg






1613\_287.jpg





1613\_288.jpg



288 M. D. CXIII.

» & feal l'Eueſque de Paris, vne Congregation  
 » de Preſtres, viuans en ſocieté, pour vacquer ſe-  
 » lon la fin & intention cy deſſus rapportee, prier  
 » Dieu pour nous, pour noſtre dite tres-honno-  
 » ree Dame & mere, nos ſucceſſeurs, pour la paix  
 » & tranquillité de l'Egliſe, & de ceſt Eſtat. Vou-  
 » lons & nous plaift, ladite Congregation eſtre  
 » dicte, tenuë & eſtimee de fondation Royale, &  
 » qu'elle jouyſſe de tous & chacuns les droicts &  
 » priuileges, dont jouyſſent les autres maiſons &  
 » familles, fondees par les Roys nos predeceſ-  
 » ſeurs, laquelle à preſent, avec tous les droicts,  
 » biens, rétes, reuenus & heritages qui luy appar-  
 » tiendront cy apres; nous auons pris & mis, pre-  
 » nons & mettons en noſtre ſauuegarde ſpeciale;  
 » deffendons à toutes perſonnes, de quelque de-  
 » gré, qualité & condition qu'elles ſoient, de dô-  
 » ner empeschement à la fondation & arrente-  
 » ment de ladite Congregation & conſtruction  
 » des lieux qui luy ſeront neceſſaires, ſous quel-  
 » que couleur ou occaſion que ce ſoit. Si don-  
 » nons, &c.

La Royne Regente ſuiuant ces Lettres de  
 permission, fit expedier les ſiennes pour la fon-  
 dation de ladite Congregation, deſquelles voi-  
 cy la teneur:

*Lettres de la  
 Royne Re-  
 gente pour  
 la fondation  
 de ladite  
 Congregatiō.*

Marie par la grace de Dieu Royne Regente  
 de France & de Nauarre, à tous preſens & ad-  
 uenir, ſalut. La pureté de la Religion & ſince-  
 rité des mœurs qui ont rendu cy-deuant la  
 France ſi recommandable, & ſouuentesfois in-  
 cité le ciel d'en prendre la protection, contre



1613\_289.jpg


*Seconde Continuation.*

289

tant de violents efforts, desquels elle a esté a-  
 gitee, se trouuent aujourd'huy tellement cor-  
 rumpus & depravez, que si l'on n'y apporte quel-  
 que ordre & reformation, il est à craindre que  
 ce qui reste de pieté se dissipe entierement, &  
 qu'alors Dieu retire les graces & benedictions,  
 dont elle est ordinairement accompagnée: A  
 quoy desirans de veoir dōner quelque remede,  
 & de nostre party contribuer tout ce qui se  
 pourra, iugeans que comme ce desordre s'est  
 grandement accru, par l'inobservation de la  
 discipline Ecclesiastique, aussi pouroit-il estre  
 réparé en le restablissant: Nous auons estimé  
 qu'il estoit à propos de viser à ce but, & prenans  
 le soing de procurer l'aduancement, faire com-  
 mencer par la fondation en ceste ville & faux-  
 bourgs de Paris, d'une maison & Congregation  
 de Prestres viuans en société, desquels la prin-  
 cipale fin soit de tendre à la perfection de l'or-  
 dre de Prestrie; & par ce moyen s'employer  
 continuellement, par l'ordonnance du sieur E-  
 uesque de Paris, à instruire le peuple en la do-  
 ctrine Chrestienne, l'exciter par bons exemples  
 & enseignements aux œuures pies, & generale-  
 ment vacquer à tout ce en quoy les Prestres de  
 nostre Seigneur Iesus-Christ sont obligez par  
 leur institution; esperant qu'en ce faisant plu-  
 sieurs que la corruption du siecle precipitoit  
 aux vices, heresies, & desbauches, en seront re-  
 tenus, pour suiure la voye que Dieu nous ensei-  
 gne, par son Eglise; & que ce bon œuvre estant  
 imité en diuers autres endroicts de la France, y



1613\_290.jpg





**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**